

服部文庫
417
2112
13





17
2112
13

七言古

朝陽岡

朝陽之岡樓霞館館高日上彩霞滿長松繚
繞幾龍鱗清風不斷送鳳管一蹊攀來出薜
蘿臨洋高亭風烟散江山改觀愜幽情體中
應遺足輕暖層城丹樓映霞起宮嶽長門獻
奇峙宮嶽鍾秀朝氣綠神靈現瑞暮山紫海
流杳渺涵碧空波頽遠岫迥聞風肱山東望
枕東嶺一樽樂亦在其中悠然且見小芙蓉

含華出浴黛翠濃臨眺此時豈小汝宛如疑
是對三峰斯須明月穿林來已映櫻花阡畔
開櫻花一帶如曳練散作白雲萬家堆如是
壯觀亭上收春秋不暇為應酬輞川弇州空
聞耳可知并吞供勝遊况是西溟千萬里乾
坤風物掌中浮行樂不須離人境名園近自
對十洲

五言律

廣陵菊花篇

黃菊南陽色風霜獨葆真廣陵濤映散朱邸
酒偏新愈疾芳香異助歡心賞親折花傳驛
使還勝一枝春

江樓烟雨

寂：長江雨天低百尺樓波光回望失花色
待晴浮風送櫓聲度烟深帆影留却疑乘興
處縹緲步虛遊

望西山懷人得東韻

久坐西山出風烟暗色通知憐嶺雲白徒望

夕陽紅園菓兒應喜村醪誰共同若尋步兵
意依舊醉江東

郊園竹得庚韻

勝地依江上幽篁入晚晴深園淇水美千畝
渭川名碧玉交竿映新梢含露生微風吹野
服一日愛清聲

池亭避暑得寒韻

池亭閒午色綠樹映水盤逸興開樽發清通
見水觀風前時就枕石上或投竿隨意忘炎

熱不論斜日殘

即興詠牡丹

長夏芳園裡香飄醉牡丹護風留富貴保色
歷春寒西子搖紅袖班姬弄素紈總因含露
潔還作浣紗看

七言律

初冬知足館陪宴作

華館開宴風不寒高談盛興侍交歡小春日
愛樽前色深苑望餘霜後看彩筆玉章披錦

繡青雲紅樹媚衣冠就中弓馬調金埒指讓
馳驅自壯觀

奉謁 東叡大王

輪轉鸞輿寶池停玉樓金閣見天庭恩波賜
宴池頭沐廣樂陪歡臺上聽霞色夕凝台嶽
紫雲光春送竹園青叨依 帝子蓮花坐誰
道微軀似客星

翠江山園

園囿寧偏供喜遊雨池春水慰民勞巖開仙

路通河漢井淮花叢笑桔槔峻阜雲分巖島
樹懸崖風擁廣陵濤高松若道為竿好且餌
錦絲投六鼈

五言絕句

凝香絕句與後八勝之一同自是楚山後作為正

春夢眠還足鳥聲花樹林只因多露裛猶覺
夜雲深

東叡大王園中八詠應教

風靜春眠後凝香花樹林只因多露裛猶覺

繡青雲紅樹媚衣冠就中弓馬調金埒指讓
馳驅自壯觀

奉謁 東叡大王

輪轉鸞輿寶池停玉構金閣見天庭恩波賜
宴池頭沐廣樂陪歡臺上聽霞色夕凝台嶽
紫雲光春送竹園青叨依 帝子蓮花坐誰
道微軀似客星

翠江山園

園囿寧偏供喜遊兩池春水慰民勞巖開仙

路通河漢井灌花叢笑桔槔峻阜雲分巖島
樹懸崖風擁廣陵濤高松若道為竿好且餌
錦絲投六鼈

五言絕句

凝香榭春曉

春夢眠還足鳥聲花樹林只因多露裛猶覺
夜雲深

東叡大王園中八詠應教

風靜春眠後凝香花樹林只因多露裛猶覺

夜雲深

右凝香榭春曉

香閣繡絳罷清風吹晚霞兩三螢火過時點
碧窓紗

右警古夏夕

明月深園裡玲瓏臨玉池幾添古人興今夕
照詩思

右尚友邀月

行樂風花散祗園綠樹新且聞求友鳥來往

送殘春

右亦樂餞春

三株碧杉鬱一望祠壇分樹裡秋風起蕭然
窺白雲

右神祠白雲

凝脂琥珀香紅葉珊瑚映還入道遙遊不關
楚客詠

右燕寢丹楓

仙梵空林迥霜天殘月微海潮音不斷聽得

靜清機

右萬德朝梵

玉鳴微霰迸積素已清朗夜深雪且深
爐湯泉聲響

右六宜夜雪

七言絕句

梅雨中驚嘯閣陪宴作

長夏芳園綠滿庭黃梅酒熟雨冥冥
閣中高興齊歌雪清嘯翛然相和聽

題

公園菊

小春齊發滿籬芳賞詠何知雨色涼
不管清霜搖落節花開歲々占風光

題扇面富岳得尤韻

坐對峻嶒作壯遊晴開雪色酒中浮
畫工不借神仙術縮地名山掌上收

山中見早花

春至烟花迎藜杖幽蹊聽鳥且攀躋
山頭忽

值新花發欲問仙源應不送

摘芳園菊花盛開賦奉呈

高觀

華亭幽賞入風騷籬菊秋懸錦繡高直置
摘芳園裡色更揚光彩傲霜毫

以上七言古一首五言律六首七言律三首

五言絕句九首七言絕句五首凡二十四首海

涵集抄出

序

命藩臣上文及詩序

樂記曰人心之動物使之然也感於物而動
故形於聲又曰先王慎所以感之者故禮以
和其聲蓋中和之德行於政治而民心以同
所謂樂而不淫哀而不傷是關雎之所以為
本也 君侯之好學蓋亦樂人人有恒心也
屬命諸子上各所著文若詩於是諸子厲肄
業之心拜 君恩之辱乃作所命送別題以

獻左右雖然是豈謂極其音乎亦唯感而情
形於聲詞者也諸子常從元立游所以有此
贅也嗚呼諸子因是不懈以學得時歌其美
政實君侯之惠也不堪瞻仰謹叙其事尔
矣

序文一篇海涵集抄出

奉陪

摘芳館集

嚶鳴遲日此相求境遠青樽興自幽衆鳥花
間呼哈々白雲峰上靜悠々韶和箴笠連平
野斜照烟霞媚一丘春遍深園何所摘爭裁
麗句逐芳流

賦得松鶴篇壽阿南氏九十

長松繁翠對南山白鶴雙棲日月間同氣由
來知所託年光九十自仙顏

僊鶴篇

黃竹歌催舞彩雲羽儀千載最超群
瑤池春暖花前飲清唳天晴日下聞

雪後

摘芳館陪宴即事

雪後梁園白玉盃
看來樹々着花開徒貪一斛淳于酒
詩賦元非授簡才

竹

綠篁春映渭川流
明月光添梁苑秋
條拂炎

氛侵簾淨幹凌霜
雪繞軒幽堅貞元直千竿節
封殖長持萬戶侯
且愛清風時送響
樽前偏媚郢歌遊

中秋作

叢桂花開玉露清
一樽佳興任陰晴
今宵莫作尋常賦
千古長傳三五名
風樹寒生砧杵響
秋天月迥雁鴻聲
醉醜夜色憐搖落
不與愁人故苑情

奉送

訛醜
悲耽

使君之廣陵

江城花滿屬春闌千里思

親一問安獻壽蓬萊依嶼樹趨庭光彩指衣
冠廣陵濤待重遊穩故苑樽開笑語寬勝地
更聞仙液在應同風詠浴沂看

柳堤春望 得庚韻

烟暖江流四望晴長堤柳絮映花明徘徊日
暮春風起十里看疑吹雪清

摘芳園陪 筵賞牡丹

百卉爭開文生花已空牡丹當坐開駐春風三千國紅
色深宮態色縮在華園一圃中

又

使君芳苑亭下牡丹開庭際香滿深園非無桃李絕世栽總為謝國色
公愛幽興志願聽琴靜把兩三杯右二首後手澤書改作

節後 摘芳館陪宴菊半開 分韻 仄字

霜前猶捲箔節後尚登臺疎柳今朝雨黃花
昨日杯香移瑤席洩色入彩毫開似惜秋光
滿應教再會催手澤書後縣二句作初迎新賦馥半助勝

遊開又題中宴作筵

感時篇

生涯何不駐，湏臾彩筆風流與世殊。空谷崑山埋片玉，幽冥千里失名駒。閑居膝下斑衣乏，佳宴樽前夜月孤。此日將裁感時賦，無端思至自踟蹰。

鵲鷓篇有感

寒烟樹色晚蒼茫，獨坐思深空斷腸。驚浪難遵鴻雁渚，荒原飛急鵲鷓霜。分甘遺愛隨時切，共被恩情入夢長。偏惜有才文與武，風流

同己識升堂

縮景園八勝

長堤桃花

野景春流三月天，桃花十里帶霞鮮。隋家楊柳風前絮不及，長堤錦障連。

池亭納涼

滄池漂渺樹蒼蒼，不待清風先得涼。坐擬漸臺堪避暑，何論河朔宴遊觴。

松間明月

月滿深園夜色寒，數株松樹露珠團。
明輝移去穿枝葉，何似微雲點綴看。

連峰積雪

雪清山色滌塵胸，松竹寒高翠且重。
不讓終南陰嶺秀，如波積素覆峯峰。

前川行舟

風正征帆樹杪浮，平波疊綠洗崖流。
舟船總似供遊覽，日夕回橈行不休。

隴畝烟雨

耕稼綿々雨色濛，東疇南畝望總通。
烟篆俯仰如相讓，麻麥依微濃淡中。

晴窓眺望

天放新晴望渺茫，無風暮色敞高堂。
推窓多景山川盡，逐賞春秋幽興長。

宮岳彩雲

雲開宮岳遶岩堯，更見餘光映水遙。
似是朝昏揚彩處，霞生高建赤城標。

初秋奉送

崧高世子初入封國

雙旌千騎拂朝氛行盡山河景色分無疾觀
濤廣陵月揮毫作彩伊都雲學修親視冬將
復田獵兼須武與文已識秋收民所待暫聽
風政得歡欣

初秋送管氏從

世子駕之廣陵

托乘載青囊傾杯縮綠楊術持三折妙文報
七襄章秋色隨飛蓋月明陪舉觴春濤觀未

得還待賦中長

初秋送長牧羊從

世子駕歸藝州

尚抱西園興追隨忘旅愁逸才推許葛作賦
共應劉駒隙嗟分手瓜期歸故丘上池方劑
意不借觀濤秋

縮景園二十勝

清風館

清風高館裡綠樹映初雲不獨披襟快詠歌入

穆如

明月亭

亭高碧巖齊水樹深臨眺此中誰投珠自有

明月照

悠悠亭

閱世鑿流水年華日夜移風烟望不競賞心
無盡時

觀瀾橋

水哉見宜觀清瀾擁青嶂萬頃長風過坐知

廣陵壯

超然居

園景聊成趣石磴薜蘿青初從山上望豁達
似殊庭

看花榻

一柱直承蓋時來開玉甕只憐梅花清不關
醉中夢

流芳軒

久要將何執射御亦流芳千載名須擁四時

遊有方

迎暉峰

峻嶒出多景早起乘晴興
初陽纔舉霞高嶺先供勝

望春圯

百花兼百艸相映水涼々
圯橋向田路莫是擬徒杠

跨虹橋

中流石梁裊欲渡若乘空
跨虹縹緲思疑是

仙路通

濯纓池

歌罷滄浪水濠梁興不薄
至清欲濯纓恐驚禽魚樂

松嶼

松依砂石秀風和碧濤驕
日升樹影落看怪潛龍搖

鴛鴦洲

兩々在洲上相呼遊不飛
中連君子樹栖宿

自依々

白龍溪

沙林含且白誰是好龍人不用畫圖妙看來
形自真

積翠崑

巖藏雲霧聳松臨滄池開積翠壓青嶂白波
洗碧苔

楓林

每厭霜摧樹滿山楓樹林秋園爲蕭索却待

深霜深

聚仙島

楓紅霞帳暖松韻玉笙傳仙客非難接時降
孤島邊

石蟾橋

鬱々橋邊樹山池極目初何年得仙者叱石
起蟾蜍

錦繡橋

溪橋春可步新綠滿林露紅楓落染橋繡橋

不可渡

奇福山

森々松柏裡華表現丹壑有年祈福長此笑
此相樂

蒼山洞宴

狂態依然對酒多無端相發白雲歌休疑飄
逸輕生理總是風塵醉裡過

瑞雲公子十三祀忌日謁玄性院法筵
作

寒來暑往幾傷心此日焚香聽梵音寶地自
從埋玉樹猶餘霜葉倚禪林

初復奉送

摘芳老侯遊熱海溫泉

熱海溫泉並勢奇滌痾乘興動詩思勝遊初
試懸車後風詠猶追成服時鶴渚波爭鳴澤
響嶽蓮雲映日金垂淹留朝暮為何事浴罷
觀濤舉酒危

高山世子花燭日恭賦奉呈


初婚 君子喜盛宴客相將聖善周京似威
儀齊國善良辰修六禮同德合群祥偕老依
琴瑟交歡深玉觴室家稱福大華族結宗長
吉夢熊羆日嚶々待弄璋


富貴異人於牡丹畫成異不向錦障驕偏能
傍書几


射之志的而不在的須省已非維此養由技
高于古今射空墜飛右手發而左手不知百
中何違

錢文白黑善走飛翔同心戀主仰秣感恩樂
顧彼鳴良御其直每在長楸獨能全德

以上五言律三首五言排律一首七言律八首
五言絕句二十一首七言絕句六首贊二首凡
四十一首







以下全て
白紙

